


Шочмо эл, порылык да чын верч!

Будь готов!

13-шо (3661) №,
2024 ий 29 март,
кугарня.

Ямде лий



1933 ий 1 февраль годсек лектеш.



Снимкыште: Морко район
Нуж-Ключ школын
тунемшыже-влак.

Уш-акыл яндар, виан, пусо лийже манын, мом ыштыман? Книгам лудман, шотлыман, почеламутым наизусть тунемман... Мыланна эн лишылже – «Ямде лий» газетым лудаш. Тушто уло чылажат: писылудыш, тушто, уштодыш, задаче, йомак, почеламут да молат. Садлан йоча газетлан кажне марий еш подпискым ыштышаш. «Ямде лий» икшывын икымше книгаж гай лийшаш.

1 апрель гыч Россий мучко 2024 ийын кокымшо пелижылан газет ден журнал-влаклан подпискым ыштыме тургым тунгалеш. Тюрло йоным кучылтын, «Ямде

лий» газетлан возалташ лиеш.

Почто гоч – верысе почто отделенийыште але почтальон деч подпискым ыштышаш йодса. **Индекс – П4696. Ак – 432 тенгеат 48 ыр** (Марий Элыште).

Монго гыч лекде, **онлайн** возалташ лиеш. Тидлан **podpiska.pochta.ru** сайтыш пурыза але «Почта России» **мобильный приложений** гоч возалтса. Индекс ден ак тыгаяк.

Редакций гоч возалтын кертыда. **Ак – 150 тенге.**

Электрон газетым луднеда гын, **89027382237** телефон номерышке **150 тенгем** пыштыза да **yamde_lii@mail.ru** адресыш лумнердам, элек-



Рекламе.

Снимкыште: Камилла
Виссарионова (Морко,
Волаксола).

трон почтыдам возен колтыза.

Ушештарена: «Ямде лий» газетлан Пошкырт кундем, Татарстан, Удмурт Республиклаште илыше-влакат возалт кертыт.

**Л.ГРИГОРЬЕВА.
И.РЕЧКИН ден
Н.ЛАВРЕНТЬЕВАН** фотошт.

Малахов деке унала



Фотом еш архив гыч налме.

Авана деке йынгырген, «Ме Малаховын передачыж гыч улына, эргыда-влакым ўжнена» манын каласеныт. Тиде мыланна чот куанле увер лийын. Ондак Малаховын командыже шочмо кундемшыкына войзаш толын, а кок кече гыч ме Москоштат лийынна. Андрей Малахов дене ващлийын мутланенна, автографшым налынна (сним-

кыште). Ме, Алексей, Никита да Илья, марла куштымашым ончыктенна, йодыш-влаклан вашмутым пуэнна. Шуко ег дене палыме лийынна. Ынде передачын телеэкраныш лекмыжым чон вургыж вучена. Куту таум Саша Ивановлан ойлена. Тудо телепередачын редакцийшыкыже серышым колтен.

Изак-шоляк ШАБДАРОВМЫТ. Шернур, Марисола.

Вараш ида код!

Ончыкыжым радио-, телеале газетыште пашам ыштыше журналист лияш шонет? Тугеже вашке! У тунемме ий гыч Йошкар-Оласе Бауман лицей ўдыр-рвезе-влакым 10-шо классыш «Журналистика и медиа» направлений дене тунемаш пога. **Йоча-влак кушто илат!** Лицей пеленысе тўшкагудышто. **Тунеммылан тўлыман мо!** Илымылан, тунеммылан тўлыман огыл. А кочмылан тўлаш

логалеш. Район гыч толшо-влаклан 50% скидке пуалтеш. СВО-што лийше ача-аван йочажлан, шуко шочшан еш гыч икшывылан чылажат яра.

Тунемаш пурымо годым экзамен лиеш мо! «Кумытан» деч посна аттестат утларак аклалтеш. Творческий конкурс лиеш.

Кумылда уло гын, 89027382237 номеран телефон дене йынгырген рашемдыза.



Лектыш куандара

Мый калык семўзгар дене шокташ моткоч йоратем. Усталыкым вияндаш Звенигово район Красногорский йоча сымыктыш школыш коштам. Туныктышо Ф.Р.Рубашкинан вуйлатымыж почеш гармоньым, баяным шокташ тунемам. Лектыш куандарыше: тўрлў конкурсышто



Фотом еш архив гыч налме.

сеныше-влак радамыш лектам. Йошкар-Олаште эртаралтше «Изи гармоньчо» регион-влак кокласе йоча конкурсышто кокымшо верым сенен налынам. Йолташем

Тимофей Никитин кумшо лийын.

Мемнам снимкыште ужыда.

Кирилл ИВАНОВ.

2-шо номеран Красногорский школ.

Российысе увер

«Молодежная премия в области науки и инноваций» видеоролик конкурсыш школышто тунемше ден студент-шамыч ушнен кертыт. Тўрлў танасыште сеныше-влакым окса пўлек дене палемдат. Йодмашым **14 апрель марте** пуыман.

6-18 ияш ўдыр-рвезе-влаклан «Птицы русского леса» всероссийский сўрет конкурс эртаралтеш. Тудо **17 ноябрь марте** шуйна. Паша-шамычым 11 июнь марте колтыман. Тўрыс увер – tuntuk.ru сайтыште.

И.Д.Кобзон лўмеш «Красная гвоздика» патриот шўлышан тўнямбал муро конкурсыш 7-18 ияш ўдыр-рвезе-влакым ушнаш ўжыт. Йодмашым да пашам **15 апрель марте** вучат. Тўрыс уверым краснаягвоздикаде-ти.рф сайтыште лудса.

Марий Элысе увер

24-28 майыште «Вызов принят» регион-влак кокласе да «Лўдыкшыдымылык школ» республикысе танасымаш-влак эртаралтыт. Йодмашым **15 май марте** shb-rme@yandex.ru адрес дене электрон почтыш колтыман.

Йошкар-Оласе 10-шо номеран школ пелен **Инженерын каникулжо** почылтын.

Тунемше-влак вершўрын картыжым, 3Д модель дене зданийын проектшым, тыгак асфальт вартышым ыштен ончат.

Йоча усталык коллектив-влаклан «Театр – источник детского творчества и новых открытий» республикысе фестиваль-конкурс **15-21 апрельыште** дистанционно лиеш. Паша-влакым **21 апрель марте** sovetskiy-teremok89@yandex.ru адрес дене электрон почтыш колтыман.



Ёярня онго.



Ёярня сий.

21 мартыште Морко район Унчо селаште илыш шолын, вет тушто кундемнан тўрлő районжо гыч толшо йоча-влак Ёярням ужатеныт. Икшыве-шамычлан ты пайремым Республикысе марий тўвыра рўдер шукертсек эртарат. Тений Советский, Параньга, У Торъял, Волжский ден Морко районласе индеш школын командыже пайремышке ушнен. Йоча, туныктышо да уна-влакым Марий Эл Республикысе Кугыжаныш Погынын депутатше, «Передовик» СХА-н председательже Ю.А.Игнатьев, Унчо кыдалаш школын директоржо А.С.Григорьев да Республикысе марий тўвыра рўдерын вуйлатышыже В.Г.Петров саламленит.

Йоча-влак тўрлő конкурсым эртенит. Икымше «Ёярня такмак-баттл» лийын. Йоча-шамыч ты пайремлан келшыше такмак-влакым муреныт. «Ёярня мелна» конкурсышто тунемше-шамыч ямдылен кондымо мелнаштым калыкклан ончыктеныт. А мелнаже могай гына лийын огыл?! «Ёярня кува» конкурс утларак творческий шўлышан лийын. Кажне команде ёярня кува ямдылен конден да мурымашкуштымаш

Ёярня такмак

Айста чылан йолгурыкыш
Пытартыш гана мунчалташ.
Айста чылан йолгурыкыш
Ёярняжым ужаташ.



Волжский районысо Пётъял кыдалаш школын тунемшыже-влак.

дене телым ужатен колтым, шопым вашлиймым калык ончылно модын ончыктен. Тылеч вара изижаткугужат ёярнявара дене мунчалтеныт, пангам перен модыныт, мешак дене тўрштылыныт, вўдвара дене вўдым нумалыныт, кандырам шўдыреныт, ече дене коштыныт да моло онай модышлаште вий-куатыштым тергеныт. Пайремым кугу ёярня онго дене мучашленыт.

«Ёярня такмак-баттл» конкурсшто ойыртемалтыныт:

1 вер – Б.Р.Ахматьянов лўмеш Параньга кыдалаш школын «Кечыйол» командыже.

2 вер – У Торъял тўвыра да каныме рўдерын «Онар тукум» командыже.

3 вер – Советский районысо Ёшнўр кыдалаш школын «Ёшан» командыже.

«Ёярня мелна» конкурсшто сененыт:

1 вер – У Торъял тўвыра да каныме рўдерын «Онар тукум» командыже.

2 вер – Волжский районысо Пётъял кыдалаш школын командыже.

3 вер – Морко районысо Шенше кыдалаш школын «Кечыйол» командыже.

«Ёярня кува» конкурсшто сенгышыш лектыныт:

1 вер – Параньга районысо Кугу Пумарий кыдалаш школын «Самырык тукум» командыже.

2 вер – Б.Р.Ахматьянов лўмеш Параньга кыдалаш школын «Кечыйол» командыже.

3 вер – У Торъял тўвыра да каныме рўдерын «Онар тукум» командыже.

Сенгыше-влакклан дипломым, кажне командылан шеракан пőлекым кучыктеныт. Тыгай мероприятий йоча-влакклан веле огыл, кугыен-шамычланат моткоч келшен.

Н.ЛАВРЕНТЬЕВА.

Авторын да И.РЕЧКИНЫН фоташт.



– Нөшмым үдымек, тудо 5-7 кече гыч нерым колта. Палемдыман, вианрак лекше манын, үдымө деч ончыч лум вүдыштө икмын-яр кече кийиктыман. Тыгодымак нөшмө «илана». Кок арня гыч икымше лышташ палдырна. Эше кок арня наре кушмек, тун лышташ куандараш туналеш. Ик тылзе гыч кушкылын вожшым пүчкаш да вес вере кусараш лиеш.

– *Озым кусарашлан мланде могай лийшаш?*

– Тунжө – пушкыдо лийже. Уяндышымат чын ыштен моштыман. Түрлө удобренийым оптеда гын, нөргө кушкылын вожшо йулен кертеш. Ик эн куштылго да пайдале уяндыш: 1 ужаш ошма, 3 ужаш гыч торфден рок. Тушко ик кор-

Ончылгоч ямдылалтман


Шошо пагыт пеленже шуко пашам конда. Емыж, пакчасаска лектыш куандарыштын, ондакак ямдылалтман. Нөшмым ойырым, үдыман, росотам кусарен шындыман... Кажне сомылым күлеш семын шуктет гын, лектышат лиеш. Шукынжо кичкым февраль мучаште да март тунгалтыште үдат. Но тидын дене паша огеш мучашлалт.

Ончылно росотам кусарымаш вуча. Кузе да кунам тидым ыштыман! Могай мландым ойырым! Ой-кагашым пакчазе, ялозанлык шанче кандидат Э.И.Пирогова (снимкыште) пуа:

мыж ломыжым ешарен варыман.

– *Кызыт эше могай сомылым ыштыман?*

– Кызыт известка раствор дене олмапу йытырым чиялташ тунгалман, тудын йырже лумым оптен тошкыман. Тений шошо мемнан кундемыш вараш толеш. Лумым оптымо дене олмапу вашке огеш помыжалт. Шоптырвондын 25 сантиметран укшыжым пүчман да мландыш урыман. Тыге тудо вожым колта, а май тунгалтыште шындыман. Пакча паша үзгарым ончылгоч ямдылен шогыман. Шаньык,



Фотом еш архив гыч налме.

кольмо да моло арверым тергыман, росотам кусарен шындаш яшлыкым але атылам ямдылыман. Шошо паша куаным кондыжо!

В.МАМАЕВА мутланен.

1 апрель – Кайык-влакын тунямбал кечышт.

1894 ийыште ты кечым США-ште Ойл-Сити олаште икымше гана палемденныт. Российыште 1926 ий гыч Кайык-влакын кечыштым официальный пайремлан шотлат. Идалыкын кайыкшым ойырат. Российыште 2024 ийын кайыкшылан казыля (чиж) шотлалтеш.

Шерге поянлык



Фотом школ архив гыч налме.

Чодыран тунямбал кечыжым меат, 1-ше номеран Морко школышто 2-шо «А» классыште тунемше-влак, палемденна. Мемнан дене Морко лесничествын директоржо О.Г.Семенова уна лийын (снимкыште). «Чодыра – пүртүсын шерге поянлыкше. Тудым кажне айдеме аралышаш, чодыран законжым палышаш», – оила Ольга Геннадьевна. Шоналтыза, нөргө озымлан пушенге марте кушкашыже мынар жап күлеш! Тидым

чылан шарнышаш улына. Чодырам тул деч аралыман. Морко районышто чодыран кумдыкшым ешарыме шотышто паша ий еда эртаралтеш. «Шарнымаш сад», «Чодырам аралена» акциялаште тунган пушенгым шындена.

Софья НИКИТИНА.

1-ше номеран Морко школ.

Тул гай поч

Ший лум вачын, пече гоч Койын кодо тул гай поч. Каласем мый ончылгоч:

– Мыланем келшен моткоч! Мон гын лийын тиде поч?

Н.ВЯТКИНА.

Кужэнгер посёлко.



Ульяна АСТАХОВА.

Йошкар-Ола, 21-ше номеран Семеновка школ.

Самырык тукымын пайремже



Фотом школ архив гыч налме.

«Самырык тукым» регион-влак кокласе VI йоча фестиваль марий тўвырам, сылнымутым, сымыктышым аклыше икшывылан пайремым пөлеклен. Фестиваль Михайлүмеш (М.С.Герасимов) Элнет школышто эртаралтын (снимкыште). Тудо Шочмо йылмын кечыжлан, Еш идалыкклан да Татарстан Республикыште увертарыме Шанче-технологий виянгме идалыкклан пөлеклалтын.

Тушко Одо кундем Грак районисо П.И.Бельский лүмеш Марий Вожай, Татарстан Республик Агрыз районисо Бим да Менделеевск районисо Монашево школла гыч ўдыр-рвезе да тунуктышо-влак погыненыт. Нуным кугу уна-шамыч саламленит. Кажне участник усталыкшымы мастарын ончыктен.

Э.ИВАНОВА.
Татарстан, Менделеевск, Элнет.

Ўшан эре лийшаш

Теле пагытым моткоч йўратем. Тыгодым ече дене мунчалташ лиш. «Ече – тазалык пече», – маныт калыккыште. Лум вочмеке, ече ўмбаке шогалам да, шулен пытымешкыже, эре коштам. Школышто эртаралтше та-

насымашлаште шке ийготан-влак коклаште чўчкыдын сенгышыш лектам. Районыштат ойыртемалтшаш ыле манын шонем. Ўшан уло гын, шонымашке шуаш лиш.

Роман БАШИРОВ.
Татарстан, Агрыз, Буймо.

«Марий ўдыр улам»

Тыге ойла Азалия Ганеева (снимкыште) – Пошкырт кундемын моторжо. Тудо Пўрö олаште шочын. Икымше номеран кыдалаш школышто 6-шо «А» классыште «4» ден «5»-лан тунемеш. Ўдыр изиж годсек шкенжым тўрлö ала-ныште шуара. Икымше класс гыч куштымаш дене кылым гуча. «Импульс» куштымаш театрыш коштеш. Тушто эстраде куштымаш-влакым тунемеш. Тидлан М.А.Плотникова туныкта. Театрыш коштшо-шамыч кодшо ийын Моско олаште всероссийский конкурс-фестивальыште чолгалыкыштым ончыктенит да

II степеня лауреат лийыныт. Азалия шкенжым сценыште кучаш тунемеш, Л.И.Кузнецован полшымыж дене театр илыш дене лишкырак палыме лиш.

Азалия илышытыже спорт кугу верым айла. Ондак каратэ дене пенгыде кылым кучен. Сенен налме медаль ден грамотшо-влак тачат



чонжым ырыктат. Но тазалыкклан верч спортын ты видшымы коден. Баскетболла кум ий наре модеш. Физкультурым тунуктышо да тренер А.М.Ляпустин тунемше-влакым сайын шуара.

– Мыйын авам – марий, а ачам – башкир. Кеч марла шагал мутланем, но тудым сайын уммылем. Шкемым марий ўдырлан шотлем. Тидын дене нимучашдымын кугешнем, – ойла Азалия Ганеева.

В.МАМАЕВА.

Фотом еш архив гыч налме.



«Диалект» манме мут

Кузе сылнын йонга:

«Сендыра», Шарнымашым луктеш «тетыра», – Йоча годсо шомак, йоча годсо, Эрвел мландыште улшо да кодшо.

Киенна сендыра – шöлдыравалне, Тетырам пöрдыктен кўртнывоштыр... «Диалект» манме мут, шольым, пале: Сöреман мланде гай – кучылт мошто!

Улыт олык да курыкмариимыт, Ила пелне эрвелмарий ен... Диалект мут, памаш вўд гай лийын, Шочмо верым тўза курым ден!

А.ТИМИРКАЕВ.

**Тетыра – изи кўртнö орава.*

6

КЕ-КЕ-РЕК-
КРЕ-Е-ЕК!

Мыскара лаштык

1 апрель —
Воштылчык кече.

Мужыр дене шична

Онай мужыр шочо
Мемнан парт коклаште,
Кеч-мом ынде ыштышт,
Кеч модын толашышт.
Смирнов дек веране
Геннадий Буйнов,
Свинин Николай дек —
Валерий Козлов.
Шинчат ынде коктын
Белов ден Чернов,
Охотников ден
Тимофей Кабанов.

Кирпичников ден Маляров
Пеш келшеныт.
Акулов ден Сомов
Кузе куаненыт!
Цыплёнкован шерже
Ончен огеш тем,
Шинча ынде
Курочкин Миша воктен.

Ушане, уке,
Мыскара семын лекте,
Фамилий фамилийым
Шканже шеледыш:
Грачева — Птенцов,
Петухова — Яйцов,
Собачкина — Кошкин,
Крючкова — Ершов...
Н.ЗОЛОТАРЁВ.

Писын ойло

Латкок подкогыльо.
Латкок подкогыльым
тодылым.

Кавырля кевыт гыч
краплям конден.

Васлийым вашлийым.

Савлийын саска —
ший саска.

Пыш-пыш, пыш-пыш
поездна шем шикшым
шенгекше шикшеш.

Какшаныште — кит

Валерик кит нерген ака-
жын лудмыжым шуко
гана колыштын. Китым кузе-
гынат кучаш шонен пыштен.

Икана спорт кевытыш миен
пурыш да кевытчылан каласыш:

— Мыланем эфыр кўлеш.

Изи колызын йўкшым ко-
лын, сату налаш толшо-вла-
кат тудым ончаш тўналыч.

— Мыйын эфыр пеш шуко

уло, тылат
могай кў-
леш? — йодо
кевытче.

— Мылам
китым
кучен кер-
тше эфы-
рым пуы-
за, — йўк
пентыдын
шоктыш.



— Китым кучет? Кушто? —
мутланымашке ик ег ушныш.

— Какшаныште!

Ег-влак воштыл колтышт.
Кевытче ешарыш:

— Мемнан дене тыгай эфыр ок
лий. А Какшаныште кит уке.

Рвезе, савырнен, писын
лекте. Мўнгыжў кайыш.

— Акай, кит кушто ила? —
йодо.

— Теҥызыште, — мане
акаже. — Теҥыз — тиде
пеш кугу вўд, ту-
дын мучашыжат
ок кой.

— Кугу лиям
гын, теҥызыш
кит кучаш
каем, — мане
Валерик.

Б.ДАНИЛОВ.

Тўткў лий

Таче моткоч весела кече —
1 апрель! Кече мучко кўм
шонет: йолташым, туныкты-
шым, палыме я палыдыме
енгым, эсогыл пий ден пыры-
сымат — ондалаш лиеш!
Тидлан нигў ок вурсо. Мый
гын школышто шукаштым
ондалышым. Мўнгыштат каж-
ныжым чиялтышым. «Ах,
кертым вет! А мыйым нигў ыш
ондале!» — шоналтен, малаш
возаш тарванышым. Но вак-
шышым вакшме огыл. Шкеат

кертам да, таче ўрканышым.
Авам деч полшаш йодым. А
тудыжо изамлан кўштыш.
Икмынар жап гыч изам «Воч,
мале, чыла ямде» манын,
пўлемем гыч лекте. Мый,
тулым чўктыде, вакшышыш
шунгалтым. Мо тугай?
Кровать яра! Ондалы-ы-ы-шт!
Мучашлан кертыч! Кузе
тыге?! Кеч шич да шорт!
Тўткырак лияш кўлеш улмаш.

Н.ВЯТКИНА.

Кужэгер посёлко.

У ката

— Теве тылат у ката, —
ачаже йошкар тўсан йолчие-
мым сумка гыч луктын пыш-
тыш.

Мики тудым тыманмеш
чийыш, пўлем мучко тыш-
туш коштын савырныш.
Куанымыж дене пачаш-
пачаш ончыштеш, «Ты катам
эртак у лиеш, нигунам ок
тоштем» ышталеш. Уремыште
йоча тўшкан мутланымым
колын, Мики окнаш кер-
жалте.

— Куш каеда?

— Айда тыят, —
ўжыт нуно.

Йолташ-влакым
ужын, тудат

лектын куржо. Шагат нарат
ыш эрте, пўртыльў.
Йолыштыжо носки гына.

— Катат кушто? — йодеш
аваже.

— Эгер сергыште.

— Иктаж-кў нумал кая гын?

— Уке, нигў ок уж, — кидым
солалта Мики. — Лавыраште,
келгыште шинча. Шкеже
пыкше лектым. Теве тынар
воленам ыле, — пулвуй деч
ўлыкрак ончыкта. — Лавыра
кошкен шуэш гын, коктын
миен налына, — амыргыше
носкижым кудах пышта
Мики.

В.ИСЕНЕКОВ.



У конкурсыш ушныза!

«Лёд и пламень» фирме ден «Ямде лий» газет редакций сүрет конкурсым увертарат.

- Тушко түрлө ийготан йоча ушнен кертеш.
- Паша-влакым «ВКонтакте» соцкылысе «Ямде лий» – марла йоча газет» тўшкашке сообщений дене 31 май марте колтыман.
- Сүретыште «Лёд и пламень» фирмын логотипше да ужалыме сатужо лийшащ улыт. Тудын пелен заметкым возыман. Тиде кевытыште мом налдыда, тудын пайдаже, күлешлыкше нерген шонымыдам сералтыман.
- Сүретыште фамилийым, лўмым, школым, классым ончыктыман.
- Кум сенгыше диплом да шергакан пөлек дене палемдалтеш.




Фотом школ архив гыч налме.

«Йоча книга арня» всероссийский акций тунемшешамычын шошо каникулышт жапыште эртаралтеш. Тений тудо еш дене пырля лудмылан пөлеклалтын. Руш Шой школысо книгагудышто Йоча книга арням «Ик элыште, ик кугыжаныште» пайрем дене почынна. 1-2-шо класслаште тунемше-влак Читалий элыште онай путешествийыште лийыныт.

Нуным Йошкар ушш, Золушка, Мальвина, Буратино, Василиса Премудрая, Незнайка да молат вашлийыныт (снимкыште). Йочашамыч модыныт, туштылан вашмутым кычалыныт, викториныште уш-акылыштым тергенит. Жапым пайдалын эртареныт.


Л.СВЕТЛАКОВА.

Кужэгер, Руш Шой.




Алина АЛЕКСАНДРОВАН
сүретше.
Советский, Шуарсола.

Мастар кид



Кагазым тодыштын, пушым ыштыза.



Калык пале

Вырлянге толеш – латкок кече гыч лум шулен пыта.

М.ШКЕТАН ЛҮМЕШ МАРИЙ КУГУЖАНЫШ ДРАМЕ ТЕАТР

30 16:00 март

С.Чавайн Дrame

МҮКШ ОТАР

ПАСЕКА

12+ 78-13-78

<p>«Ямде лий» газет Тўн редактор Л.Н.ГРИГОРЬЕВА. Индекс: П4696. Тираж 1550 экз. Заказ Формат – А-4-8.</p>	<p>УЧРЕДИТЕЛЬ-ВЛАК: Марий Эл Республикысе Тўвыра, печать да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.</p>	<p>Газетым Кыл, информационный технологий да массовый коммуникаций сферым эскериме шотышто федеральный службыв Юл кундем федеральный округысо управленийыштыже регистрироватлыме. Номер – ПИ № ТУ52-01404, 2023 ий 22 сентябрьыште пуымо.</p>	<p>0+ Печатьыш пуымо жап – 14-00, фактически – 13-00</p> <p>Авторын да редакцийын шонымыштыт түрлө лийын кертыт. Серыш-влак мөнгеш огыт колталт. Ак – кутырен келшыме почеш.</p>
<p>https://vk.com/yamde_lii https://t.me/yamedeli yamde_lii@mail.ru yamdelii@mediamari.ru (автор-влаклан) Сайтын адресше: ямделий.рф</p>	<p>Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.</p>	<p>Редакций да издатель: Марий Эл Республикысе «Марий Эл» увер агентстве» КАУ. Директор – Е.И.КУЗНЕЦОВ. Редакцийын да издательнын адресше: 424006, Йошкар-Ола, СССР Вооружённый Вийын 70-ше идалькше урем, 20-шо пöрт.Тел. 8(8362) 45-22-82.</p>	

1 апрель —
Математикын түнямбал
кечыже.

Кроссворд

1 + = 3		+ 3 =
+ =	4 =	- 3 = 1
= 6 + = 7	+ = 2	+ = 7
- =	+ 1 =	+ =
= 2 + 6 =	+ 2 = 10	- = 5
8 =	- =	- = 3
= 10 - = 3	+ = 9	7 = 2
+ 3 =	- =	
= - 2 = 4		



Шырчыкым
вучена

Шошым шырчык-влак почмо верышкышт ик эн ончыч чонештен толыт. Шкешт нерген вигак иожтарат: сылне мурыштым йонгалтарат. Нуно, түрлө йўкым луктын, мурыштым сылнештарат. Мурсемыштышт шўшпык мурымат, чома шинчалмымат, ужава кычкырымымат колаш лиш. Тыге шошо пагытым сорастарат. Нунылан ачам дене коктын омартам ыштышна.


Алексей АБАКУМОВ.

У Торьял, Элеволко.



Артём НИКОЛАЕВЫН сўретше.
Медведево, Руэм.

Пунктир линий-шамычым корыза.




Алина АЛЕКСАНДРОВА.
Советский, Шуарсола.


Шотлыза.




Лабиринтым
эртыза.



Судоку



Дрoбь-влакым
шотлыза.



Фокус

Шар ден име

Фокуслан шар ден имым ямдылыман. Фокусник юж дене овартыме шарым ончыкта. Вара тудым име дене шуралта. Шар огеш пудешт. Молан?

Секрет: шарын кок могырышкыжо скотчым ончылгоч пижыктыман. Имыш ўйым йыгалтыман. Фокусник түткө лийшаш: име дене лач скотч тура шуралтышаш.

Сўрет-влакым
<https://ru.freepik.com/> сайт
гыч налме.